

# 庶物類纂

穀屬  
自十一至十二

容

葉百廿五函

太政官文庫			
特別	和書門		
一三六二	類		
二三四番	函		
四六五	架		
册	號		

内閣文庫			
番號	和	32362	
冊數	465 (220)		
函號	特	54	1

四十三内

共三十







庶物類纂穀屬卷之十一目次

糯

馬眼糯

吳興米

紫米

桃花米

玉米

大人米

庶物類纂

卷十一

穀屬目次

糯

俗名麼モ七ナ育ヨ業子

糯

本草著糯米為稻米累朝釋畧數千言無一字言堪

為酒正如白氏六帖錄禽遺大鵬也

宋張舜民畫墁錄

陶隱居云道家方藥有俱用稻米粳米此則是兩物

矣云稻米白如霜又江東無此皆通呼粳為稻爾不

知其色類復云何也唐本注云稻者擴穀通名爾雅

云稌音渡稻也抗者不糯之稱一曰舛記勝之云抗

稻秣稻三月種抗稻四月種秣稻即並稻也今陶為

二事深不可解今按李含光音義云按字書解粳字

云稻也解稻字云 屬也不粘解粢音慈字云稻餅也明稻米作粢蓋糯米爾其細糠白如雪粒大小似粃米白體性粘滯為異然今通呼抗糯穀為稻所以惑之新舊注殆是臆說今此稻米即糯米也又按抗粳二字同音蓋古人當分別二米為殊爾臣禹錫等謹按爾雅云秣稻釋曰別二名也郭云今沛國呼秣詩周頌云豐年多秣多秣禮記內則云牛宜秣豳風七月云十月獲稻是一物也說文云沛國為稻為糯抗秣屬也字林云糯粘稻也抗稻不粘者然抗糯甚

相類粘不粘為異耳依說文稻即糯也江東呼粳乃亂切顏師古刊謬正俗云本草所謂稻米者今之粳米耳陶以粳為秣不知稻是粳故說之不曉許氏說文解字曰秣稷之粘者稻秣也沛國謂稻為秣又急就篇云稻黍秣稷左太冲蜀都賦云粳稻漠漠益知稻即粳其粳並出矣然後以稻是有芒之穀故於後通呼粳粳總謂之稻孔子曰食夫稻周官有稻人之職漢置稻田使者此並指屬稻粳之一色所以後人混粳不知稻本是粳耳

嘉祐補注本草

稻米有秬與稷同稻有糯稻舊不載所出州土今有水田處皆能種之秬糯既通為稻而本經以秬為粳米糯為稻米者謹按爾雅云徐音度稻釋曰別二名也郭璞云沛國呼徐詩頌云多徐禮記內則云牛宜徐豳詩云十月穫稻是一物也說文解字云沛國謂稻為糯秬徐屬也字林云糯粘稻也秬稻不粘有今人呼之者如字林所說也本經稱號者如說文所說也前條有陳廩米即秬米以廩軍人者是也入藥最多稻稈灰亦主病見劉禹錫傳信方云湖南李從事

治馬墜撲損用稻稈燒灰用新熟酒未壓者和糟入鹽和合淋前灰取汁以淋痛處立差直至背損亦可淋用好糟淋灰亦不必新壓酒也糯米性寒作酒則熱糟乃温平亦如大豆與豉醬不同之類耳圖經本草稻米今造酒者是此水田米皆謂之稻前既言粳米即此稻米乃糯稻無疑温故可以為酒酒為陽故多熱又令人大便堅非糯稻孰能與於此西域記天竺國土厚熱稻歲四熟亦可驗矣宋寇宗奭本草衍義稻徐者秬糯之通稱物理論所謂稻者概種之總稱

是矣本草則專指糯以為稻也稻從稻音函象人在  
曰上治稻之義徐則方言稻音之轉爾其性粘軟故  
謂之糯穎曰糯米緩筋今人多睡其性糯也

明李東璧本草

綱目

糯稻南方水田多種之其性粘可以釀酒可以為粢  
可以蒸糕可以熬餉可以炒食其類亦多其穀殼有  
紅白二色或有毛或無毛其米亦有赤白二色赤者  
酒多糟少一種粒白如霜長三四分者齊民要術糯  
有九格雉木大黃馬首虎皮火色等名是矣古人釀

酒多用秫故諸說論糯稻往往費辨也秫乃糯粟見

本條

同上

糯米性溫釀酒則熱熬餉尤甚故脾肺虛寒者宜之  
若素有痰熱風病及脾病不能轉輸食之最能發病  
成積孟詵蘇頌或言其性涼性寒者謬說也別錄已  
謂其溫中堅大便令人多熱是豈寒涼者乎今人冷  
洩者炒食即止老人小便數者作粢餈或九子夜食  
亦止其溫肺暖脾可驗矣痘證用之亦取此義

同上

糯稻花主治陰乾入揩牙烏鬚方用

同上



稻穰即稻稈煮治作紙嫩心取以為鞞皆大為民利其紙不可貼瘡能爛肉按江湖紀聞云有人壁虱入耳頭痛不可忍百藥不效用稻稈灰煎汁灌入即死而出也同上

穀穎穀芒也作穰非主治黃病為末酒服又解蠱毒


煎汁飲日華同上

說文曰糯粘米也秬不粘米也然秬糯酷相似粘不粘為異寇氏曰糯米其性温故可為酒酒為陽故多熱西域天竺土溽熱糯歲四熟亦可驗矣明倪朱謨本草彙言

稻米即今之糯米也明繆仲醇本草經疏

稻有水旱二種又有秣田其性黏軟故謂之糯米食之令人筋緩多睡其性糯也作酒之外產婦宜食之又謂之江米陶彭澤公田五十畝悉令種秣蓋亂離之世藉酒以度日耳然督郵一至便爾解綬所種秣田未嘗得升合之入也所謂張公吃酒李公醉者耶書此以發一笑明謝肇淛五雜俎

稻米糯米也妊娠與雜肉食之不利其子生寸白久食身軟緩筋故也性寒壅經絡氣使人四肢不收昏



悶多睡發風動氣可以少食

明周恭醫說會編

吳俗是日以糯米穀爆釜中名曰字羅人各占一歲

休咎又名卜留蓋音與字婁同

明馮應京月令廣義

吳元年二月癸酉下令禁種糯田曰余自創業江右十有二年德薄才菲懼弗勝任但以軍國之需不免科徵于民而吾民效須樂於輸賦固為可喜然竭力畝畝所出有限而取之過重心甚憫焉故凡有益于民者必有行而又申告之曩以民間造酒破費米麥故行禁酒之令春來麥稍平予以為頗有益於民然

不塞其源而欲遏其流不可也其今農民今歲無得種糯以塞造酒之源欲使五穀豐積而價平吾民得所養以樂其生庶幾養民之實也

臣若水通曰天之生物惟穀於人為最急不可一

日無者是以自古善為治者莫不重穀而糜穀者莫過於酒也是酒者侈靡之端而禁糯者止酒之源也先王既設官以幾謹之又作誥以示戒之然未有能禁絕其源者也我皇祖敬天愛民克好生之實心為養民之實政重穀必先禁用酒禁酒必

先止種糯則造酒之源塞而五穀之積豐國用由是以足邦本由是以固不煩酒誥之諄諄而自禁矣是令也其先王重本抑末之微意歟大抵夏禹以惡酒而興商受以酌酒而廢興廢係一念之微耳人君能體認於心則天理日明人欲日消用酒有節而穀不可勝食矣生財之道何以加此

明湛若水

聖學格物通

按稻原屬粳糯之總稱糯粘稻也抗不粘稻也而本草所謂稻乃專屬之糯也

清劉若金本草述

糯稻古今注曰稻之粘者為秫亦有早種晚種及大

冬俱與粳同收赤殼者釀酒最佳

汀州府誌

冬至不拜賀用糯米作圓取其圓以達陽氣祀先餽

遺俗名團圓子

建寧府志

正月十三日以糯粒投焦釜老幼各占一投以上終歲之吉凶謂之爆字婁亦曰米花又曰卜流

言卜流年也

金釵糯粒長宜釀酒劉夢得詩云酒法得傳吳米好羊脂糯五月種十月熟色白性軟故名

青稗糯四月種九月熟宜良田稗黃芒赤已熟而稗

微青故名

秋風糯一名瞞官糯每歲代晚稻以輸租故名

矮糯晚熟一名矮兒糯粒白而大四月種九月熟

川梗糯四月種九月熟粒大無芒

虎皮糯五月種十月熟色斑

羊鬚糯四月種九月熟穀多芒長

臘脂糯五月種九月熟殼紅粒白以上姑蘇志

粳音糯稻之黏者可釀酒有數種有赤粳黃粳白粳

荔枝粳粘子粳陽山粳長鬚粳此種米少每穀一斗

可得米三升耳然人猶種之以鬚長棘口鮮禽畜耗

也陽春縣志

黏在腴田則有細黏青蒙紅蒙麻包錦鼠牙下馬看

清水黏黃魚串落 黏山猪怕八月黏潮田則有黃

連黏交趾黏大黏淋漓黏大長毛小長毛晚赤之屬

也高要縣志

糯稻即秣也有大糯有秣糯其名不一皆可釀酒大

糯較佳其收穫之遲早與秣同懷寧縣志

字林曰粘稻也有黃白黑數種其名不一封川縣志

榷糯青稈糯水鮮糯八月早熟羊鬚胭脂糯早黃黏黃殼糯紅黏糯其芒赤糯之佳者以上俱秣類宜釀

紹興縣志

糯稻古今注曰稻之粘者為秣閩中記曰閩人供釀之餘歲時揉粉為糰粽糕粿之屬亦有早種晚種赤

殼者釀酒最佳漳州府志

古今注稻之黏者為秣即糯也閩中記閩人供釀之餘歲時揉粉為糰粽糕粿之屬有○鵝卵秣粒大白而軟種獲與占仔同時糯之最佳者又○禾秣殼白

米極軟土番種園中四五月種八九月收既畢乃會社飲酒以作番戲○占仔秣一名赤殼秣米白粒差小內地赤殼極香軟貴重此則不及○虎皮秣殼赤有文粒大米白○竹絲秣米青白色○生毛秣殼有毛俗呼大武龍秣以其種出自大武龍也種獲但與占仔同時諸羅縣志糯其性粘軟緩筋多睡其性糯也人有冷洩者碾和山藥末服即止老人小便數作九子夜食甚溫肺煖脾可驗糯稻花亦可烏鬚六合縣志

糯稻秋風糯麻舫糯烏絲糯趕上陳雀不覺羊鬚糯  
以上俱秬類造酒用之

高郵州志

糯其種有青稗羊脂白矮釀之多酒有早歸生六月

成有交秋糯七月成

歙縣志

糯稻有早晚二種及大冬俱與粳同収赤殼者釀酒

最佳

武平縣志

粳稻十三種早粳稻一名雀不覺又名秬粳白粳有

芒七月熟隨秬粳白粳無芒燕口紅白粳紅眼無芒

俱八月熟虎皮粳厚粳紅黑斑無芒硃砂粳一名胭

脂粳紅粳紅芒羊鬚粳白粳長芒黃粳稻即秬稻黃  
粳無芒細頸粳米白而長青殼粳青粳無芒俱九月  
熟抄社粳珠子粳橘皮粳紅陸粳舊志載四種今無

太平府志

粳稻十三種早稻又名隨秬粳白粳無芒七月熟燕

口紅白粳無芒八月熟虎皮粳厚粳紅黑斑無芒硃

砂粳一名胭脂粳紅粳紅芒羊鬚粳白粳長芒黃粳

稻即秬稻黃粳無芒細頸粳米白而長青殼粳青粳

無芒俱九月熟抄社粳珠子粳橘皮粳紅綠粳四種

舊志載今無當塗縣志

糯者糯也其性粘味温仁和種此者少仁和縣志

糯一名秣有早晚赤白其種不一並堪釀酒列郡縣

皆有之江西通志

金釵糯粒長唐劉夢得句酒法得傳吳米好

閃西風一名早中秋

羊脂糯色白

青稗糯稭黃芒赤早熟而稗微青

秋風糯一名瞞官糯

趕陳糯四月種七月熟粒最長

矮糯一名矮兒糯粒白而大

鵝脂糯張方平句鵝脂酒清醪

川梗糯粒大無芒

虎皮糯色斑

羊鬚糯穀多芒長

臘脂糯穀紅粒白

恍雄雞紅芒

猪駝糯黑芒

燕生齋集

卷十一

穀屬

糯

十二

梗鮮糯無芒

小孃糯不耐風雨

靠山糯晚熟以上蘇州府志

金釵糯米粒長三月種七月熟最宜釀酒劉夢得詩

云酒法得傳吳米好此也○西溪叢語云宗王琪飲

酒詩云蜀江雪浪來天際一派泉春寶釵碎蓋謂水

磴春金釵糯也金釵乃糯米之名松江府志

冷粒糯種宜長田其粒圓白而稔黃大暑可刈其色

難變不宜於釀酒謂之秋風糯可以代糯而輸租又

謂之瞞官糯農圃四書云松江謂之冷粒糯○農遺

雜疏曰有不道糯易種多收農人喜種之飯則糯釀

則粳也糶之則減價多以之代粳輸租自是佳種○

俗呼為雌頭古謂之奸米

虎皮糯殼色斑駁寶應縣志

烏金糯米黑色釀酒亦黑色味佳能補腎同上

水晶糯稻粒瑩白如水晶江陰縣志

短箕糯稻搭短九月熟極早不損又一種名長水紅

粒最長積三粒可盈寸極澇不傷同上



糯米味甘性温有兩熟早熟五月收性多堅宜粉食其稈柔邑人和泥塗壁能久名花穀糯晚熟十月收性粘軟名密子糯宜釀酒其稈燥不適於用番禺縣志魚子粳出黃岡宜釀酒張文潛極稱之湖廣通志紅黏糯芒赤故名糯之佳者以上俱秠類宜釀郡志五十六種彼蓋舉全越而言之漢志種穀必雜五種以備灾害則如下所列麥粟諸豆之類蓋農家所不可缺者會稽縣志六十日糯四月種六月熟米小色白遲至八九十日

熟一名早紅連又名救工台州府志黏稻小黏者米最佳赤白二種雷州府志秠稻性軟有數種雷公秠虎稻秠神秠牛頭秠番秠同上

嘉勿頂慕  
卷十一  
穀屬  
糯  
十四

馬  
牛  
羊  
豕  
犬  
豕  
卷  
冊

馬  
眼  
糯

馬  
牛  
羊  
豕  
犬  
豕  
卷  
冊

穀  
屬  
馬  
眼  
糯

蘇東坡文集卷十一

馬眼糯

黎子雲言海南林稻率三五歲一變頃歲儋人最重鐵脚糯今歲迺變為馬眼糯草木性理有不可知者如歐陽公言洛中牡丹時出新枝者韓縝花譜迺有三百餘品若隨人意所欲為者可奇也夫

蘇東坡文集

機謹按林當作秬

東城雜記黎子雲言海南秬稻率三五歲一變頃歲儋人最重鐵脚糯今歲乃變為馬眼糯草木性理有不可知者

佩文齊廣羣芳譜

蘇東坡文集

卷十一

穀屬

馬眼糯

二

蘇  
牝  
黍  
稷  
卷  
卅  
一

吳興米

蘇  
牝  
黍  
稷  
卷  
卅  
一

穀  
屬  
吳  
興  
米

蘇林委纂  
卷十一

吳興米

吳興米炊之甑香白馬豆食之齒醉魏國夫人厨吏  
鄧連以此米擣為透花餠以豆洗皮作靈沙臠以供  
翠鴛堂品物類聚記○唐  
馮贄雲仙雜記

蘇物類纂  
卷十一

穀屬  
吳興米  
二

燕  
羽  
委  
慕  
卷  
册

紫米

燕  
羽  
委  
慕  
卷  
册

穀  
屬  
紫  
米

本草綱目卷之十一

紫米

元和八年大軫國貢碧麥紫米上異之翼日出示術士白元佐李元戢碧麥粒大於中華之麥表裏皆碧香氣如粳米食之令人體輕久則可以御風紫米有類巨勝炊一升得飯一斗食之令人髭髮續黑顏色不老出杜陽編○

酉陽雜俎大軫國貢紫米類巨勝子炊之一升得飯一斗食之髮鬢黑顏色美久食不死明馮應京月令廣義

本草綱目

卷之十一

穀屬

紫米

二

燕  
牛  
表  
集  
卷  
一

桃花米

燕  
牛  
表  
集  
卷  
一

穀  
屬  
桃  
花  
米



庶物類纂  
卷一

桃花米

梁書曰任昉為新安太守為政清省吏民便之卒於官唯有桃花米二十斛無以為歛遺言不許將新安

一物還都太平御覽

宋武帝張妃桃花米飯見梁崔祖思政事疏杜工部詩玉粒足晨炊紅鮮任霞散言飯紅潤之色也又收稻詩紅鮮終日有玉粒未吾慳即桃花米也明田藝蘅留青

札日

紅白相雜曰桃花米○崔祖思稱宋武帝節儉有五

庶物類纂  
卷一  
穀屬  
桃花米  
二

庶物類纂 卷十一

盞盤桃花米飯問奇廣曰紅白雜也智按是遲芒稻  
其米赤號桃花米或曰赤米早稻名鬼見愁清方以智通雅  
唐書地理志揚州貢黃稔米烏節米又漢書揚州有  
桃花米揚州府志

玉米

庶物類纂 卷十一 穀屬 玉米

玉米

歸州有玉米田屈原耕此產白米似玉屈原耕田人

多不知明陳繼儒書蕉

歸州有玉米田屈原耕此產白米似玉明陳仁錫潛確居類書

玉米本高如赤梁實結穗端長五六寸其粒色黃鮮

如蜜珠南安府志

玉米本高如赤梁實結穗端長五六寸其粒色黃鮮

如蜜珠龍巖縣志

玉米田河東三閭鄉相傳屈子耕時產白米似玉湖廣

總志

庶  
牛  
奉  
纂  
卷  
十一

大人米

一名供大人米

白孔  
六帖

庶  
物  
類  
纂

卷  
十一

穀  
屬

大人  
米

麻  
牛  
糞  
卷一

### 大人米

西域摩揭陀有異稻巨粒號供大人米白孔六帖

西域王舍城有大人米大人米粳米也大如烏豆飯

香百步惟此國有王及知法者預焉玄裝傳續○明陳耀文天中記李日華時物典彙

西域有大人米大如烏豆飯香百步

摩揭宅國有異稻巨粒號曰供大人米即今江南之

香珠稻類也香珠亦名御米但粒小耳黃勉之理生

玉鏡稻品失載之明田藝蘅留青日札

蘇  
勿  
頤  
慕  
卷一  
穀屬  
大人米  
二

庶物類纂  
卷之十二

穀屬目次

庶物類纂穀屬卷之十二目次  
稷

庶物類纂  
卷之十二

穀屬目次

麻牛卷

稷

一名粢爾雅一名明粢禮記一名糝本草圖經一名糜

唐本一名緊同上一名糜子米盛京通志一名黃粟

泉州府志

俗名各結コキヒ虛ヒ又名盍アケ覓メ十法シハ  
長門州

燕勿類纂

卷十一

穀屬

稷

麻  
才  
黍  
稷  
老

稷

粢稷爾雅今江東人呼粟為粢晉郭璞注左傳云粢食不

斂斂粢者稷也曲禮云稷曰明粢是也郭云今江東人

呼粟為粢然則粢也稷也粟也正是一物而本草稷

米在下品別有粟米在中品又似二物故先儒甚疑

焉宋邢昺爾雅疏  
○十三經註疏

稷粟一種但二名耳亦謂之粢唐顏師古急就篇註

稷者五穀之長故陶唐之世名農官為后稷其祀五

穀之神與社相配亦以稷為名以為五穀不可偏祭

燕物類纂

卷十一

穀屬

稷

二



祭其長以該之稷所以爲五穀長者以其中央之穀  
月令中央土食稷與牛五行土爲尊故五穀稷爲長  
又古者號稷爲首種孟春行冬令則雪霜大摯首種  
不入蔡邕以首種爲麥以常隔歲而種故以爲首而  
鄭康成以爲稷者蓋以考靈耀云日中星鳥可以種  
稷是一歲之初所先種者唯稷況又孟春正種稷之  
時而云首種不入卽是極寒種不入土不待歲收然  
後爲入也稷又名齊或爲粢故祭祀之號稷曰明粢  
而言粢盛者本之故諸穀因皆有粢名小宗伯所謂

辨六齎之名物與其用是也杜子春又欲讀酒正五  
齊皆爲粢以禮運有粢醴在堂意以粢穀爲醴則餘  
四齊亦皆以粢穀爲之然破五齊從一粢於義不可  
故後鄭但以爲齊者以度量節作之更讀禮運粢醴  
爲齊此說之不同者也稷又名爲糝呂氏春秋曰飯  
之美者有陽山糝高誘曰關西謂之糜冀州謂之緊  
音捧說文糜糝也廣雅曰緊糝也稷天子傳曰赤鳥之  
人獻糝百載見今人皆謂之糝然則稷也粢也糝特  
語音有輕重耳大抵塞北最多如黍黑色稗有二種

原物類纂卷之十一

一黃白一紫黑紫黑者芒有毛北人呼為烏禾今人  
不甚珍此惟祠事用之農家種之以備他穀不熟為

糧耳宋羅願爾雅翼

稷苗穗似蘆而米可食為五穀之長五穀不可徧祭  
故祀其長以配社今人謂之稜關西謂之糜冀州謂

之緊粢粢也爾雅云以粢為稷誤也宋鄭夾漈通志獵奇

機謹按糜一本作糜

毛詩駟頌宥宮曰有稷有黍有稻有秬  
禮記曲禮下曰凡祭宗廟稷曰明粢

又內則曰豕宜稷

國語曰稷為稷不能蕃殖

爾雅曰粢稷也郭璞注曰今江東呼粟為粢也孫炎曰稷粟也

說文曰稷五穀之長也

山海經曰廣都之野爰有膏稷

廣志曰破滅稷逼麥稷此二者以四月熟

本草曰稷米甘而無毒益志氣補不足

鄭氏婚禮謁文贊曰稷為天官

盧毓冀州論曰真定好稷地產不為無珍也以上太平御覽

燕物類纂

卷之十一

穀屬

稷

四

稷乃今之稊也齊晉之人謂卽積皆曰祭乃其土音  
乃無他異也本草左云又名糜子糜子乃黍屬大雅  
維秬維秠維糜維芑秬秠糜芑皆黍屬以色別丹黍  
謂之糜音今河西人用糜字而音糜宋沈括夢溪筆談  
秠西北人呼爲糜子有兩種早熟者與麥相先後五  
月間熟者鄭人號爲麥爭場宋朱弁曲海舊聞  
稷神○先儒皆以稷祭百穀之神鄭康成以稷祭原  
隰之神明曰鄭義非也且原隰亦土也社旣祭土何  
故更分原隰而別祭之乎又稷之名義不與原隰相

侔縱令鄭義有徵亦是不分真偽諸儒所識可謂不

宋丘光庭兼明書

稷名○或問曰稷旣百穀之神不言穀而云稷者何  
也答曰稷屬土而爲諸穀之長故月令謂之首種首  
種者種最在前也諸穀不可徧舉故舉其長而爲言  
之以等之也若直以穀言之則爲人所褻慢也同上  
稷配○明曰有能播百穀者謂之曰正正長也爲謂  
農之長死後以配祭于稷謂之后稷后君也謂爲穀  
之君也左傳曰有烈山氏之子曰柱爲稷自夏以上

燕物類纂 卷廿二 穀屬 稷 五

周棄也  
上同

祀之周棄亦為稷自商已來祀之祭稷配以后稷者

周棄也  
上同

稷日○或問曰祭稷不別日與社同日者何也答曰

以百穀生于土戊屬土故可與社同日而祭也上同

稷始○或問稷之始答曰始有粒食之時也故祭法

曰厲山氏之有天下也其子曰農能殖百穀夏之衰

也周棄繼之故祀以為稷厲山神農之號則神農之

時有稷矣  
上同

稷米味甘無毒主益氣補不足陶隱居云稷米亦不

識書多云黍與稷相似又有稌音渡亦不知是何米詩

云黍稷稻粱禾麻菽麥此即八穀也俗人莫能證辨

如此穀稼尚弗能明而況芝英乎按汜勝之種植書

有黍即如前說無稷有稻猶是粳穀粱是秠禾即是

粟董仲舒云禾是粟苗麻是胡麻泉是大麻菽是大

豆大豆有兩種小豆一名荅丁合切有三四種麥有

大小穰穰即宿麥亦謂種麥如此諸穀之限也菰米

一名彫胡可作餅又漢中有一種名泉粱粒如粟而

皮黑亦可食釀為酒甚消玉又有烏禾生野中如稗

燕勿類纂  
穀屬  
稷  
六

步買切荒年代糧而殺蟲煮以沃地螻蛄皆死稗亦可食凡此之類復有數種爾唐本注云呂氏春秋云穀之美者有陽山之糝高誘曰關西謂之糜冀州謂之緊音擇廣雅云緊糝也禮記云祭宗廟稷曰明粢穆天子傳云赤鳥之人獻糝百載音在說文云稷五穀長田正也自商已來周弃主之此官名非穀號也又按先儒以為粟類或言粟之上者爾雅云粢稷也傳云粢盛解云黍稷為粢汜勝之種植書又不言稷陶云八穀者黍稷稻粱禾麻菽麥俗人尚不能辨況芝英

乎即有稷禾明非粟也本草有稷不載糝稷即糝也今楚人謂之稷關中謂之糜呼其米為黃米與黍為私秠故其苗與黍同類陶引詩云稷恐與黍相似斯並得之矣儒家但說其義而不知其實也尋鄭玄註禮王瓜云是菝契謂粗為梨之不臧者周官場人主祝藥云祝當為注義如附著此尺有所短爾臣禹錫等謹按陳藏器云彫胡是菝蔣草米古今所貴彫胡性冷止渴內則云魚宜菝泉梁按泉梁亦梁之類消玉未聞按糜糝一物性冷塞北最多廣雅云糝也如

黍黑色稗有二種一黃白一紫黑其紫黑者芒有毛  
北人呼為烏禾又云五穀燒作灰熱主惡瘡疥癬蟲  
瘻疽螫毒塗之和松脂雄黃燒灰更良作法如甲煎  
為之孟詵云稷益諸不足山東多食服丹石人發熱  
食之熱消也發三十六種冷病氣八穀之中最為下  
苗黍乃作酒此乃作飯用之殊途不與瓠子同食令  
冷病發發即黍釀汁飲之即差日華子云稷米冷治  
熱壓丹石毒多食發冷氣能解苦瓠毒不可與川附  
子同服嘉祐補註本草

稷米今所謂稌米也舊不著所出州土今出粟米處  
皆能種之書傳皆稱稷為五穀之長五穀不可遍祭  
故祀其長以配社呂氏春秋云飯之美者有陽山之  
稌高誘云關西謂之糜冀州謂之粳音棒皆一物也  
廣雅解云如黍黑色稗有二種一黃白一紫黑其紫  
黑者其芒有毛北人呼為烏禾是也今人不甚珍此  
惟祠事則用之農家種之以備他穀之不熟則為糧  
耳本草圖經  
稷米今謂之稌米先謂米熟又其香可愛故取以供

祭祀然發故疾只堪為飢不粘著其味淡

宋寇宗奭本草衍義

食療黍之莖穗人家用作提拂以將掃地食苦瓠毒

煮汁飲之即止又破提掃煮取汁浴之去浮腫又和

小豆煮汁服之下小便

宋唐慎微證類本草

稷從禾從畎音即楷聲也又進力治稼也詩云畎

畎良邦是矣種稷者必畎畎進力也南人承北音呼

稷為稭謂其米可供祭也禮記祭宗廟稷曰明粢爾

雅云粢稷也羅願云稷稭粢皆一物語音之輕重耳

赤者名糜白者名芑黑者名秬註見黍下

明李東璧本草綱目

稷與黍一類二種也粘者為黍不粘者為稷稷可作

飯黍可釀酒猶稻之有稷與糯也陳藏器獨指黑黍

為稷亦偏矣稷黍之苗似粟而低小有毛結子成枝

而殊散其粒如粟而光滑三月下種五六月可收亦

有七八月收者其色有赤白黃黑數種黑者禾稍高

今俗通呼為黍子不復呼稷矣北邊地寒種之有補

河西出者顆粒尤硬稷熟最早作飯疎爽香美為五

穀之長而屬土故祀穀神者以稷配社五穀不可遍

祭祭其長以該之也上古以厲山氏之子為稷王至

成湯始易以后稷皆有功於農事者云上同

吳瑞曰稷苗似蘆粒亦大南人呼為蘆稷孫炎正義

云稷即粟也時珍曰稷黍之苗雖頗似粟而結子不

同粟穗叢聚攢簇稷黍之粒疎散成枝孫氏謂稷為

粟誤矣蘆稷即蜀黍也其莖苗高大如蘆而今之祭

祀者不知稷即黍之不粘者往往以蘆稷為稷故吳

氏亦襲其誤也今並正之上同

按孫真人云稷脾之穀也脾病宜食之汜勝之云燒

黍稷則瓠死此物性相制也稷米黍穰能解苦瓠之

毒淮南萬畢術云祠塚之黍啖兒令不思母此亦有

所厭耶上同

稷雪米雪毛詩傳注先集雜霰曰霰稷雪也或謂之

米雪謂其粒若稷米然元史浩兩

稷爾雅曰粢稷也禮記祭宗廟稷曰明粢南人承北

陶弘景曰稷與黍相似音呼稷為稷謂其米可供祭也

也此乃官名非谷號先儒又以稷為粟類也賈思

勰曰穀者總名非止為粟也然今人專以稷為穀望

俗名之耳郭璞曰今江東呼稷為粢孫炎曰稷粟

也雜陰陽書曰稷生于棗或揚九十月秀秀後六

十成春秋說題曰粟之為言積也粟五變一變而

以陽生為苗二變而秀為禾三變而粢然為之粟四

變入曰米出甲五變而蒸飯可食宋均注云陽以

教屬稷



麻牛委集

一立為法故粟積大一分穗長一尺文以七列精以  
五立西者金所立米者陽精故西字米而為粟廣  
志曰有赤粟白莖有黑格雀粟有白藍下竹頭青有  
蒼背稷有雪白粟亦名白粟又思聰曰朱穀高居  
達麥擢石精狗蹄之名種云賈思聰曰朱穀高居  
黃劉猪稻道慙黃聒之穀黃雀懊黃績命黃百日糧有  
起一婦黃辱稻糧奴子場音加支耐早免蟲聒谷黃辱  
今糧二名麥爭場此十墜車下馬看耐早羣羊縣蛇赤尾龍  
稻糧雀民秦馬洩韁劉猪赤李谷限黃河摩糧東海黃  
石駢歲青莖青黑好黃陷南木限黃河摩糧東海黃  
黃兔肱青惠日黃寫風赤一限山離頓堯黃此二  
十四種穗皆張鄰黃耐風免雀暴一限山離頓堯黃此二  
珠奴俗得白張鄰黃耐風免雀暴一限山離頓堯黃此二  
都奴赤茄蘆黃熏猪赤魏爽黃白莖青張蟻白根青調母  
梁磊硯黃劉沙白憎延黃赤梁靈忽黃懶尾青績  
得黃得客青孫延黃猪矢青煙熏樂婢青黃鹿蹄黃鉞狗  
鹿擬白齧折作黃禪阿居赤巴梁鹿蹄黃鉞狗

倉可憐黃米谷鹿擬青阿返此三十八種中麤大穀  
白齧穀味惡黃母梁二種味青阿居黃猪矢青有  
二種根青一胡谷水黑穀忽泥青衝天椿雉子青柳閱  
竹根青一胡谷水黑穀忽泥青衝天椿雉子青柳閱  
脚穀鴈頸青攬推黃青子規此十種晚熟耐蟲災則  
盡矣玄扈先生曰古所謂黍今亦稱黍或稱稷通  
則黍之別種也今人以音近誤稱黍為稷也今人亦稱  
稱黍之別種也今人以音近誤稱黍為稷也今人亦稱  
為穀物之廣生而利用者皆以公名之如古稱  
皆稱稷為穀也晉人稱蔓菁為菜與之稱稷為穀也  
陵苔為草洛陽稱壯丹為花又曰稷以黍稷並稱故  
黍不異經曰初不及稷後世農書輒以黍稷並稱故  
稷者黍之別種也郭璞注爾雅稷赤梁粟之別種也  
皆好穀也言梁又言粟稷之粘者故梁者稷之別種也  
志曰粘穀皆說文曰粘稷之粘者故梁者稷之別種也  
也凡粘穀皆說文曰粘稷之粘者故梁者稷之別種也  
稷亦可為酒故陶潛種五黍粘故古人以為酒粘者粘  
十畝非今之葛也

燕物類纂 卷十一 穀屬 稷 十一

齊民要術種稷法曰凡穀成熟有早晚苗稈有高下  
收實有多少質性有強弱米味有美惡粒實有息耗  
早熟者苗短而收多晚熟者苗長而收少強苗者短  
黃穀之屬是也弱苗者長青白黑者是也收少者美  
而耗收多者地勢有良薄良田宜種晚薄田宜種早  
惡而息也山澤有異宜山田種強苗以避風霜澤  
薄地宜早晚田種弱苗以求華實也  
必不成實也  
順天時量地利則用力少而成功多任情返道勞而  
無獲入泉伐木登山求魚乎必處凡穀田菜豆小豆  
底為上麻黍胡麻次之蕪菁大豆為下良地一畝用  
子五升薄地三升穀田必須歲易二月三日種者為

種禾四月五月種者為穉禾二月上旬及麻苜楊生  
種者為上時三月上旬及清明節桃始華為中時四  
月上旬及棗葉生桑花落為下時歲道宜晚者五月  
六月初亦得凡春種欲深宜曳重撻夏種欲淺直置  
白生春風冷生遲不曳撻則根虛雖生輒死夏氣熱  
須撻而生速曳撻遇雨必堅塔其澤澤多者或不  
背濕撻必欲撻者宜須待白凡種穀雨後為佳遇小雨  
宜接濕種遇大雨待歲生小雨不接濕無以生禾苗  
苗瘦歲若盛者先鋤大雨不待白背濕輒則令  
遍然後納種乃佳也春若遇早秋耕之地得仰壟  
待雨夏若仰壟匪直盪汰不生兼與草歲俱出凡田

欲早晚相雜有閏之歲節氣近後宜晚田然大率欲

早早田倍多於晚早田淨而易活晚者蕪穡難出其

穀皮薄米實而多收多少從歲所宜非關早晚然早

亦倍勝大鋤者草根繁良田率一尺留一科劉章耕

耕種功多而收益少其類者鋤而去之諺云迴車倒

馬後則不皆十石而收玄扈先生曰言初則迴車倒

生欲疏其熟欲相扶也其泥勝之書曰燒黍稷則害

瓠史記曰陰陽之家拘而多忌正可知稷尚書考

靈曜曰春鳥星昏中以種稷鳥未鳥也秋虛星昏中以

收欽虛玄枵也○明徐光啓農政全書

稷五穀之長故陶唐之世名農官為后稷其祀五穀

之神與社相配以為五穀不可偏祭故祭其長以該

之稷又名齊或為粢故祭祀之號稷曰明粢而言粢

盛者本之禮運粢醴在堂是也稷又名稭呂氏春秋

飯之美者有陽山之稭然則稷也粢也稭也字有古

今異文語有輕重殊音耳以上羅端良說嗚呼周公

大聖也而曰明農則農亦未易明樊遲聖門高弟也

而曰學稼則稼亦未易學文人隱于農者也亦云五

穀不分五穀誠未易分也而況芝英乎揚升菴先生文集

曲禮曰凡祭宗廟稷曰明粢稷又名齊或為粢故祭  
祀之號稷曰明粢而言粢盛者本之故諸穀因皆有  
粢名小宗伯所謂辨六齋之名物與其用是也明陳耀文

天中記

御古者祭祀以為穀神又農官之名亦曰后稷左傳

稷田正也烈山氏之子曰柱為稷自夏以上祀之周

棄亦為稷自商以來祀之自漢以來禹配社稷配稷

粢稷也爾雅今江東呼粟為粢也郭璞注

稷亦穀也一名稭似黍而小或曰粟也明胡文煥詩識 ○拾致叢

書

稷米今所謂稭米也出粟米處皆能種之書傳皆稱

稷為五穀之長五穀不可遍祭故祀其長以配社關

西謂之糜冀州謂之粢皆一物也味甘無毒主益氣

補不足能解苦瓠毒多食發冷氣明王思義三才圖會續集

稷即糜子米也陶弘景曰本草釋名曰粢又曰稭關

西謂之糜音糜集解又曰稷與黍一類二種粘者為

黍不粘者為稷又曰黍作酒此作飯奉錦二郡呼為

糜子米種之者少而烏喇寧右塔皆飯此邊外尤多

明一統志作稌

盛京通志

稷為五穀之長屬土莖葉似粱而卑穗散如稻粒如  
粱而扁大稃外瑩滑米正黃稷歲初先種子孟夏先熟  
其味香故以取供祭祀其穗疎散而上立

陽春縣志

稷左傳粢盛不斲粱稷也爾雅之粢稷北人曰高粱

浦人曰番黍別有一種穗如鴨蹄俗稻鴨蹄黍

漳浦縣志

說文稷為五穀之長左傳曰粢食不斲即稷也曲禮

云稷曰明粢是也先諸禾熟味香故取供祭祀

封川縣志

五穀之長也五穀不可遍祭故祀以長土人謂稷為

糜薦祭曰粢

畿輔通志

說文曰稷五穀之長也古者號稷為首種今不甚珍

惟祀事用之禮稷為明粢左傳粢食不斲粢者稷也

爾雅亦謂粢稷本草一名稌稷天子傳赤烏之人獻

稌百載乃此耳

漳州府志

稷說文曰五穀之長也月令曰中央土食稷與牛五

行土為尊故五穀稷為長閩中種稷殊少惟明祀用

之禮稷為明粢左傳粢食不斲粢者稷也斲精細米

也爾雅亦謂粢稷本草曰稌稷天子傳赤烏之人獻

糝百載甌治遺事糝米與黍相似而粒大按此說是  
葛黍也北人曰高粱泉曰番黍浙人曰蘆糝閩中山  
畚礪地尚有一種如鴨脚粒與黍相類磨之可以麪  
其子可以酒書閩

糝大曰黍小曰糝孫炎謂糝為粟古今注粟即糜糝

亦分抗孺山縣種之杭州府志

糝又名粢似黍而小即小米粒紅秋種夏熟五穀之

長故陶唐名農官為后糝義烏縣志

糝似黍而小南方間有種者孫炎正義云即粟也安慶

府志

糝說文曰糝五穀之長也古者號糝為首種今不甚  
珍惟祀事用之禮糝為明粢左傳粢食不斲糝者糝  
也爾雅亦謂粢糝本草一名糝糝天子傳赤烏之人

獻糝百載乃此耳汀州府志

糝有黃糝紅糝黑糝數種雲南通志

糝一名明粢明則足以交神祭祀之飯謂之粢盛春  
秋云飯之美者有陽山之糝說文云糝乃五穀長田  
正也此乃官名非穀號也祀穀神者以糝配社五穀

庶物類纂 卷之二十一

不可徧祭祭其長以該之也稷苗似蘆乃黍之不粘者與瓠子同食發冷病六合縣志

稷與社並稱鄭氏以為五穀之長舊志謂即稌似黍而小味不甚佳曹縣志

黃粟即稷別名泉州府志

粢穎粒稠結深黃上疎有稗糯二種七邑俱有同上

稷俗呼蘆稌北方茄茄也種亦分稷糯為飯粒不相

粘江陰縣志

稷稷五穀之長也五穀不可徧祭故祀其長以配社

但可食不可釀土人謂稷為糜薦祭曰粢遵化州志

稷五穀之長禮曰首種其狀與黍無異而性質不同

今江河之南竝不知此惟河北藝之山東最多其粒

紅名曰穀淮安府志

稷又曰稌北人不能呼入聲故呼去聲也又俗稱糜

子米新城縣志

稷有黑白二種詩註稷米即稌米也五穀之長古者

號稷謂首種滋陽縣志

稷蓋實之俗用為糕蒸飯可食陽信縣志

庶物類纂 卷之二十一 穀屬 稷 十七

歐治遺事糝與黍米相似而粒大呂氏春秋飯之美者有陽山之糝三山志

糝與黍米相似而粒大福州府志

糝越人謂之糝粟或云蘆糝黍糝二種越中不甚藝山邊人間藝之亦有藝木粟數稈於園中者然亦不以具餐神農氏高黍下稻職方氏揚州其地宜稻是也紹興府志

糝糝黍糝之類按釋名糝一名粢又名糝中央之穀中央土五行土為尊故糝為五穀長今農家于隙地

樹之間以作菓餅色絳而味甘然不作飯也陶隱居生江南不識糝為何米蓋亦廢而不種久矣今祭祀所稱粢盛猶仍其名本草云以早熟且清香因以供祭祀然味極淡諸穀惟此為下種之祇以防荒年耳此語頗有異同別種為早鈴其米相類而色白乃稻種也東陽縣志糝有黑糝者秣糝也赤糝者糯糝也長如蘆葦號蘆糝黃糝皆古之糝也歙縣志糝糝也或謂之粟非也呂氏春秋曰飯之美者有陽



山之糝高誘曰關西謂之糜冀州謂之糝廣雅云糝  
糝也字書云糝糜又云糜糝也釋本草者云楚人謂  
之糝關中謂之糜大抵糝糝糜糝一物而四名各因  
其俗為之名耳沈存中筆談云糝乃今之糝也齊晉  
之人謂即積皆曰祭乃其土音也勤象同寧波府志  
糝南方曰蘆糝北方曰徐子曰葛秫高四五尺山東  
名高粱淮安府志  
糝糝也高鄉種之其色如蠟謂之黃糝苗類黍穗如  
稻五穀以糝為長松江府志

禮記曲禮糝曰明粢疏糝曰明粢者糝粟也明白也  
言此祭祀明白粢也 月令孟秋之月農乃登穀註  
穀謂糝也 周禮天官豕宜糝疏豕宜糝者豕豬味  
酸牝豬味苦糝米味甘甘苦相成故曰豕宜糝 隋  
書天文志糝五星糝農正也取乎百穀之長以為號  
也 穆天子傳天子西征至於赤烏之人獻糝麥百  
載 天子北征入于曹奴之人獻糝米百車 天子  
西征至于鷓韓氏爰有樂野溫和糝麥之所草 天  
子東南翔行馳驅千里至於巨蒐之人獠奴獻秋麥

千車膜稷三十車 風俗通米之神為稷故以癸未日祠稷於西南水勝火為金相也 孝經說稷者五穀之長五穀衆多不可徧祭故立稷而祭之 廣志 稌有赤白黑青黃鬻鴿凡五種破滅稷逼麥稷此二者以四月熟 齊民要術按今俗有驢皮稌 博雅 稷穰謂之糲 兩鈔摘腴毛詩傳注先集維霰稷雪也或謂之米雪謂其粒若稷米然 本草衍義稌米其香可愛故取以供祭祀然發故疾只堪作飯不黏其味淡 佩文齊廣 羣芳譜

爾雅曰稷者五穀之長以其中央之穀月令中央土食稷與牛五行土為尊故五穀稷為長

天中記曰稷又名為糴


呂氏春秋曰飯之美者有陽山之糴

高誘曰關西謂之糜冀州謂之聚

說文糜糴也

廣雅曰聚糴也

曲禮疏曰凡祭宗廟稷曰明粢稷又名齊故祭祀之號稷盛者本之故諸穀因皆有粢名小宗伯所謂辨



六、齋之名物與其用是也

通志曰苗穗似蘆而米可實用月令章句稷秋種夏熟歷四時備陰陽穀之貴者

冀州論曰真定好稷地產不為無珍也以上淵鑑類函

稷子力切音即五穀之長屬土莖葉似梁而卑穗散如稻粒如梁而扁大稃外瑩滑米正黃月令孟春行冬令則雪霜大摯首種不入鄭註稷歲初先種孟夏先熟故云首不入謂極寒種不入土也稷有黃白紫黑紫黑者有毛北人呼烏禾不甚珍惟祠事用之月

令章句稷秋種夏熟歷四時備陰陽非是當從鄭註

一名稊又穀神禮祭法厲山氏之有天下其子曰農

能殖百穀夏之衰也周弃繼之故祀以為稷又疾也

詩小雅既齊既稷註齊整稷疾言祭祀禮容莊敬也

又姓漢上津令稷嗣讀書通稷通作側魯國齊國皆

有稷門即側門又借作昃孟本易日中則昃穀梁傳

下稷乃克葬○戴侗曰爾雅曰梁稷說文曰稷齊也

齊稷也稊糜也子列切糜稊也侗謂稊稷同聲實一

字說文蓋本爾雅爾雅蓋本禮記記云稷曰明梁祭

祀之米黍稷稻粱通謂粢盛而各為之嘉號故稷曰明粢梁曰薌苻謂稷為粢亦可謂梁為苻乎固哉爾雅之為說也按侗說是俗引漢碑稷同稷贅作穧

非清廖文英正字通

粢津私切音咨六穀曰粢又祭祀之米曲禮稷曰明粢又鄭康成註粢稷也爾雅穀以稷為長鄭云稷則六穀皆在其中通作粢粢又祭祀粢在器曰盛故曰粢盛通作齋又俗以稷米屑為餅曰粢釋名粢慈輒也通作齋方音讀如慈又齊韻音劑禮運粢醴在堂

註酒成而紅赤色也同上

稷古文 稷唐韻子力切集韻韻會正韻節力切杜音

即說文齊也五穀之長徐曰案本草稷即稌一名粢

楚人謂之稷關中謂之糜其米為黃米通志稷苗穗

似蘆而米可食月令章句稷秋種夏熟歷四時備陰

陽穀之貴者詩王風彼稷之苗禮曲禮稷曰明粢又

神名風俗通義稷五穀之長五穀衆多不可遍祭故

立稷而祭之康熙字典

鎮按稷性甘涼甚宜脾胃今南方之人呼為蘆稷蓋

不識也稷與黍相似者苗也結子不同粟穗叢聚攢簇稷黍之穗粒疎散成莠而蘆稭即蜀黍也何可混說且稷性味甘寒壓丹石毒而宜夏食解暑蘆稭甘澀而温性味且不相同何可不辨明耶然俱可代米充餐造酒

清何培元本草綱目類纂必讀

稭即稷○呂覽陽山之稭筆談曰齊晉人謂即積皆曰祭乃其土音也本草又名糜子大雅拒秬糜芑皆黍屬以色列之丹黍謂之糜音門今河西人音糜鄧潛谷曰陶隱君生江南已不識稷為何米穀稼尚不

能明况芝英乎稷又本與粟通尸稷言肅也詩曰既齊既稷亦肅意蓋秋氣也穀秋成曰稷百穀皆秋成

故粟又為總名清方以智通雅

稭北地呼稷為稭最先熟味香美江南通志

稷即粟也俗謂之小米其粘者古之所謂秠也今土人以飯黍為稷非靈壽縣志

庶物  
卷

十一

